



Тәуелсіз Мемлекеттер Достастығына қатысушы мемлекеттер арасындағы Салық зандарын сақтау және осы саладағы заң бұзушылықтарға қарсы күрес мәселелері бойынша ынтымақтастық пен өзара көмек жөніндегі келісімді бекіту туралы

Қазақстан Республикасы Үкіметінің қаулысы 2000 жылғы 22 қыркүйек N 1427

Қазақстан Республикасының Үкіметі қаулы етеді:

1. 1999 жылғы 4 маусымда Минск қаласында жасалған Тәуелсіз

Мемлекеттер Достастығына қатысушы мемлекеттер арасындағы Салық зандарын сақтау және осы саладағы заң бұзушылықтарға қарсы күрес мәселелері бойынша ынтымақтастық пен өзара көмек жөніндегі келісім бекітілсін.

2. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Тәуелсіз Мемлекеттер Достастығына қатысушы мемлекеттер
арасындағы Салық зандарын сақтау және осы саладағы заң
бұзушылықтарға қарсы күрес мәселелері бойынша ынтымақтастық пен
өзара көмек жөніндегі

КЕЛІСІМ

Бұдан әрі Тараптар деп аталатын осы Келісімге қатысушы-мемлекеттер өздерінің үкіметтері атынан,

салық салу саласындағы экономикалық реформаларды үйлестіруді жүзеге асыруға бағытталған, келісілген салық саясатын жүргізу дің қажеттілігін пайымдай отырып,

салық зандарын сақтау, оның ішінде салықтық құқық бұзушылықтар мен қылмыстардың алдын алу, анықтау және олардың жолын кесуге байланысты міндеттерді тиімді шешу мәселелері бойынша мемлекетаралық ынтымақтастық пен өзара көмектің маңыздылығын негізге ала отырып,
осы мақсатта бір-біріне жәрдем көрсетуге тілек білдіре отырып,
мына төмендегілер туралы келісті:

1-бап

Осы Келісімнің мақсаттары үшін мынадай терминдер:

Салық зандары - Тараптардың аумағында салықтар мен алымдардың тұрларін, оларды өндіріп алушың тәртібін белгілейтін және салық міндеттемелерінің туындауына, өзгеруіне және тоқтатылуына байланысты қатынастарды реттейтін зандық нормалардың жиынтығын;

салық зандарын бұзушылық - Тараптардың ұлттық зандары жауапкершілік белгілеген салықтар мен алымдар туралы зандарды салық төлеушілердің орындауынан не тиісті түрде орындауынан көрінетін құқыққа қарсы іс-әрекетті;

құзыретті органдар - Тараптардың ұлттық зандарына сәйкес салық зандарын сақтауға, салықтар мен алымдардың түсімдеріне және осы саладағы зан бұзушылыққа қарсы күресті ұйымдастыруға бақылау жасауды қамтамасыз ету жүктелген мемлекеттік органды;

көмек туралы сұрау салу - салық зандарын сақтау мен осы саладағы зан бұзушылыққа қарсы күрес мәселелерінде көмек көрсету туралы сұрау салуды;

сұрау салушы құзыретті орган - көмек туралы сұрау салуды жасайтын Тараптың құзыретті органдары;

сұрау салынған құзыретті орган - көмек көрсету туралы сұрау салуды алатын Тараптың құзыретті органдарын білдіреді.

2-бап

Осы Келісімнің тақырыбы салық зандарын сақтау мен осы саладағы зан бұзушылыққа қарсы күрес мәселелері бойынша Тараптардың құзыретті органдарының ынтымақтастығы мен өзара көмегі болып табылады.

Тараптардың құзыретті органдары өз мемлекеттерінің ұлттық зандары мен халықаралық міндеттемелерін басшылыққа ала отырып, осы Келісімнің шеңберінде ынтымақтастықты жүзеге асырады.

Осы Келісімнің ережелері Тараптардың арасында, сондай-ақ осы Келісімге қатысушы-мемлекеттер мен осы Келісімге қатыспайтын мемлекеттер арасында жасалған өзге де келісімдерге сәйкес құзыретті органдардың ынтымақтастығына кедергі келтірмейді.

3-бап

Осы Келісімнің шенберінде Тараптардың құзыретті органдары өздерінің ұлттық зандарына сәйкес ынтымақтастықтың мынадай нысандарын қолданады:

ұлттық салық жүйелері туралы, салық зандарындағы өзгерістер мен толықтырулар туралы ақпаратты, сондай-ақ салық зандарын бұзушылықтан сақтандыруға, оларды анықтауға және жолын кесуге бағытталған әдістемелік ұсыныстарды табыс ету;

салық зандарын бұзуға байланысты ақпаратты қоса алғанда, салық төлеушілердің салық зандарын сақтауы туралы ақпаратпен алмасу;

салық зандарын бұзушылықтың алдын алуға, анықтауға және оның жолын кесуге бағытталған іс-шараларды жүргізудегі өзара іс-қимыл;

занды және жеке тұлғаларға салық салуға байланысты құжаттардың тиісті түрде куәландырылған көшірмелерін табыс ету;

Тараптардың құзыретті органдарының жұмысын қамтамасыз ететін электронды байланыс құралдарын құруда оларды іске қосу мен өзара іс-қимылында тәжірибе алмасу және өзара көмек көрсетуі;

ынтымақтастық барысында туындайтын мәселелер бойынша жұмыс топтарын құру және сарапшылар алмасу;

ғылыми-практикалық конференциялар мен семинарлар өткізу және бірлескен іс-қимыл талап ететін ынтымақтастықтың басқа да түрлерін пайдалану;

Тараптардың құзыретті органдары осы Келісімді орындауға байланысты мәселелер бойынша бір-бірімен тікелей байланыс жасайды.

Осы Келісімді орындау үшін Тараптар қажет болған жағдайда өздерінің құзыретті органдарында тиісті құрылымдық бөлімшелерді құруы мүмкін.

Осы Келісімнің шенберіндегі ынтымақтастықты іске асырудың нақты нысандары Тараптардың құзыретті органдары арасында жасалатын тиісті шарттармен белгіленеді.

4-бап

Салық заңдарын бұзушылық туралы ақпарат алмасу осы Келісімнің 6 бабындағы ережелерге сәйкес көмек көрсету туралы сұрау салудың негізінде мынадай мәліметтер беруді көздейді:

- салық төлеушілердің, орналасқан жері, бағыныстырығы, меншік нысаны және басқалары туралы мәліметтерді қоса алғанда, оларды тіркеу;
- Тараптардың аумақтарында алынған салық салу мен кірістер объектілері салық салуға байланысты төленген салық сомалары мен басқа да ақпарат;
- Тараптардың заңнама талаптарына сәйкес салық төлеушілердің мемлекеттік және коммерциялық банкілердегі есепшотының есебі;
- Тараптардың құзыретті органдарының өкілеттілігі ішіндегі басқа да ақпараттар.

Ақпаратты екінші Тараптың құзыретті органдарының көмек көрсету туралы сұрау Тараптардың бірінің құзыретті органдары салуының негізінде береді, бұл орайда мұндай ақпараттарды беру сұрау алынған Тараптың ұлттық заңдарына қайшы келмеуі тиіс.

Егер Тараптардың бірінің құзыретті органдары өздерінде бар ақпаратқа екінші Тараптың құзыретті органдары мүдделі деп есептесе, онда мұндай ақпараттарды өздерінің қалауы бойынша бере алады.

5-бап

Салық заңдарын бұзушылықтың алдын-алу, анықтау және олардың жолын кесу жөніндегі іс-шараларды өткізу кезінде Тараптардың құзыретті органдарының өзара іс-қимылы бірлескен жоспарлауды, қаражаттарды пайдалануды және мамандарды тартуды, осы іс-шараларды өткізудің барысы мен нәтижелері туралы ақпарат алмасуды қамтуы мүмкін.

6-бап

Көмек көрсете туралы сұрау салу жазбаша нысанда немесе телетайптық, факсимильдік байланыс немесе электрондық байланыстың құралдарын пайдалану арқылы берілуі тиіс.

Телетайптық, факсимильдік байланысты немесе байланыстың электрондық құралдарын пайдаланған кезде сұрау салудың немесе оның мазмұнының растиғына қатысты күмән туындаған жағдайда сұрау салынған құзыретті орган жазбаша нысанда расталуын сұрай алады.

Көмек көрсете туралы сұрау салуда:

- сұрау салушы құзыретті органның атауы;
- сұрау салынған құзыретті органның атауы;
- сұрау салуға қатысты жасалатын салық төлеушінің деректемесі;
- сұрау салудың қысқаша мазмұны және оның негізdemесі, сондай-ақ сұрау салуды орындау үшін қажетті басқа да мәліметтер;
- қажетті жағдайда ұсынылатын құжаттардың көшірмелерін куәландыру тәртібі болуы тиіс.

Көмек көрсете туралы сұрау салу мен оның жауабы орыс тілінде немесе орыс тіліндегі куәландырған аудармасы қоса тіркеліп ұлттық тілде жасалады.

Сұрау салынған құзыретті орган сұрау салуды орындау үшін қажетті қосымша ақпаратты талап етуге құқылы.

Сұрау салынған құзыретті орган көмек көрсете туралы сұрау салу бойынша нормативтік актілерді, өздері куәландырған құжаттардың көшірмелерін және сұрау салуды орындау үшін қажетті басқа да материалдарды ұсынады.

Құжаттар мен басқа да материалдардың түпнұсқалары келісілген мерзімде ұсынылуы мүмкін.

7-бап

Тараптар нақты салық төлеушілерге қатысты ақпараттың құпиялышының сақтауға және Тараптардың ұлттық зандары мен сұрау салынған құзыретті органның талаптарына сәйкес ақпарат құпиялышының қорғау режимін қамтамасыз етуге

міндеттенеді.

Алынған ақпаратты Тараптардың құзыретті органдары осы Келісімде көзделген мақсаттарға, оның ішінде әкімшілік немесе сottың талқылауларына ғана пайдалануы мүмкін.

Тараптар алынған ақпаратты заңсыз пайдалануға жол бермеуге міндеттенеді.

8-бап

Тараптардың құзыретті органдары өз құзыреттерінің шегінде өздерінің ұлттық зандарына сәйкес бір-біріне көмек көрсетеді.

Сұрау салушы құзыретті орган оның өтініші бойынша көмек көрсету туралы сұрау салуды орындау жүзеге асырылатын іс-қимылды өткізудің уақыты мен орны туралы хабарлануы мүмкін, ал оның өкілдері қосымша келісім бойынша аталған іс-қимылдарды өткізуге қатыса алады.

Егер сұрау салуды сұрау салынған құзыретті орган орындай алмайтын болса, онда ол сұрау салу түскен күннен бастап бір ай ішінде бұл туралы сұрау салушы құзыретті органға жазбаша хабарлайды.

9-бап

Тараптардың құзыретті органдары өз мемлекеттерінің аумақтарында осы Келісімді орындауға байланысты шығыстарды көтереді.

Қосымша шығыстарды талап ететін көмек көрсету туралы сұрау салулар салынған жағдайда, оларды қаржыландыру туралы мәселені Тараптардың құзыретті органдары өзара уағдаластық бойынша қарайтын болады.

Бірлескен іс-шараларды өткізу кезінде екінші Тараптың аумағындағы өз қызметкерлерінің жұмысын қамтамасыз ету жөніндегі шығыстарды егер Тараптармен өзгеше келіспесе, жіберуші Тарап өз мойнына алады.

10-бап

Тараптар осы Келісімді қолдану кезінде туындауы мүмкін даулы мәселелерді реттеуде өзара келісімге келуге қол жеткізуге ұмтылады.

Тараптар қажет болған жағдайда осы Келісімді іске асыру барысын бағалау үшін консультациялар өткізеді және оларды өткізуудің мерзімдерін белгілейді.

Тараптар осы Келісімнің ережелерін іске асыру мақсатында жекелеген мәселелер бойынша қосымша келісімдер жасаса алады.

Осы Келісімнің ережелері basқa да халықаралық шарттарғa сәйкес Тараптар қабылдаған міндеттемелерге ықпал етпейді.

11-бап

Құзыретті органдардың тізбесін әрбір Тарап белгілейді және осы Келісім күшіне енгеннен кейін бір ай ішінде Тәуелсіз Мемлекеттер Достастығының Атқарушы комитетіне жіберіледі.

Тәуелсіз Мемлекеттер Достастығының Атқару комитеті Тараптардан алынған хабарламалардың негізінде Тараптардың құзыретті органдарының тізбесін қалыптастырады және оны Келісімге қатысушы мемлекеттердің барлығына жібереді, сондай-ақ Тараптардан алынған хабарламалардың негізінде аталған тізбедегі барлық өзгерістер туралы хабарлайды.

12-бап

Осы Келісім оның күшіне енуі үшін қажетті мемлекетішілік ресімдерді қол қойған Тараптардың орындағаны туралы үшінші хабарламаны депозитарийге сактауға тапсырылған күннен бастап күшіне енеді. Мемлекетішілік ресімдерді кешірек орындаған Тараптар үшін Келісім тиісті құжаттарды депозитарийге тапсырған күннен бастап күшіне енеді.

13-бап

Осы Келісім оның күшіне енген күнінен бастап 5 жыл бойы қолданылады. Егер Тараптар өзгеше шешім қабылдамаса, жоғарыда аталған мерзім өтісімен Келісім әрбір жолы 5 жыл кезеңге өздігінен ұзартылады.

14-бап

Тараптар өзара келісім бойынша осы Келісімге хаттамалармен ресімделетін және осы Келісімнің 12 бабында көзделген тәртіппен күшіне енетін өзгерістер мен толықтырулар енгізуі мүмкін.

15-бап

Әрбір Тарап өзі шыққанға дейін кем дегенде 6 ай бұрын бұл туралы депозитарийге жазбаша хабарлама жіберіп, осы Келісімнен шыға алады.

16-бап

Осы Келісім оның мақсаттары мен қағидаттарын бөлісетін және барлық

Тараптардың келісімімен қосылу туралы құжаттарды депозитарийге тапсыру арқылы басқа да мемлекеттердің қосылуы үшін ашиқ.

Минск қаласында 1999 жылы 4 маусымда орыс тілінде бір түпнұсқа данада жасалды. Түпнұсқа данасы Тәуелсіз Мемлекеттер Достастығының Атқарушы комитетінде сақталады, ол оның куәландырылған көшірмесін осы Келісімге қол қойған әрбір мемлекетке жібереді.

Әзіrbайжан Республикасы
Үкіметі үшін

Мoldova Республикасы
Үкіметі үшін

Армения Республикасы
Үкіметі үшін

Ресей Федерациясы
Үкіметі үшін

Беларусь Республикасы
Үкіметі үшін

Tәжіkстан Республикасы
Үкіметі үшін

Грузия Республикасы
Үкіметі үшін

Tүrkіmenstan Республикасы
Үкіметі үшін

Қазақстан Республикасы
Үкіметі үшін

Өзбекстан Республикасы
Үкіметі үшін

Кыргыз Республикасы
Үкіметі үшін

Украина Республикасы
Үкіметі үшін

Мамандар:

Қобдалиева Н.М.

Орынбекова Д.Н.

© 2012. Қазақстан Республикасы Әділет министрлігінің «Қазақстан Республикасының Заңнама және
құқықтық ақпарат институты» ШЖҚ РМК